

摘藻堂四庫全書薈要

集部

欽定四庫全書薈要

集部

御定歷代題畫詩類卷九十五

十六

詳校官原任主事<sub>臣</sub>李斯咏

欽定四庫全書薈要

御定歷代題畫詩類卷九十五目錄

禽類

次韻三司蔡襄蘆鴈

宋趙忬

和楊龍圖蘆鴈屏

宋蔡襄

惠崇蘆鴈

宋蘇軾

濮王宗漢作蘆鴈有佳思贈以詩

宋米芾二首

戲題大年防禦蘆鴈

宋黃庭堅



題蘆鴈屏

宋朱松

觀張上達家惠崇蘆鴈圖

宋朱松二首

題自畫蘆鴈

宋李膺仲

題秋水蘆鴈

宋賀鑄

寒蘆飛鴈

宋郭祥正

題蘆鴈扇

宋呂居仁

贈郭承務蘆鴈

宋白玉蟾

謝人惠蘆鴈圖

宋僧德洪

汪履道家觀所蓄煙雨蘆鴻圖 宋僧惠洪

惠崇蘆鴈 元元好問三首

題趙大年蘆鴈 元戴表元

跋米元章蘆鴈圖 元王惲二首

惠崇蘆鴈圖 元王惲

題稚川蘆鴈圖 元范梈

題蘆鴈 元李祁

蘆鴈 明王澤

趙大年蘆鴈圖

明凌雲翰

題蘆鴈圖

明胡奎

題蘆鴈圖

明解縉二首

題王熙臨宣和雪天蘆鴈

明金幼孜

李迪畫蘆鴈

明劉績

閒中偶題蘆鴈

明倪岳

題扇畫銜蘆鴈

明祝允明

為潘克承題林良蘆鴈

明顧清

寒江蘆鴈圖

明廖道南

題黃荃蘆鴈

明僧來復

高郵陳直躬處士畫鴈

宋蘇軾二首

乞畫鴈寄涇州母使君

宋文同

題劉將軍鴈

宋黃庭堅

題晁以道雪鴈圖

宋黃庭堅

和蘇翰林題李甲畫鴈

宋晁補之二首

題李甲鴈

宋晁補之

題惠崇畫秋江鳬鴈 宋王廷珪

題長沙新到鴈圖 宋陳造

鴈圖 宋姜夔

觀西巖張永淳畫鴈 金元德明

鴈圖 元劉因

題王子慶所藏大年墨鴈 元趙孟頫

秋鴈圖 元楊維禎

題王元善赴北清江新鴈圖 元黃鎮成



題墨鴈 元楊維禎

楊雲林畫鴈 元唐肅

為王輔卿郎中題雪灘寒鴈圖 明劉基

題盛蒼崖鴈 明貝瓊

畫鴈 明楊基

題鴈 明王紱

題畫鴈 明何澄

題鴈 明陶安

題鴈

明陳憲章

題林良畫鴈圖

明丘濬

題秋鴈圖

明呂憲

江鴈初飛圖

明張憲

畫鴈

明楊一清

題鴈

明陳達

為人題鴈

明陳煒

畫鴈

明謝永舉

畫鴈

明何孟春

王鵞亭鴈圖

明徐渭

題鴈屏

明葛徵奇



欽定四庫全書薈要卷一萬九千二百三

集部

御定歷代題畫詩類卷九十五

禽類

次韻三司蔡襄蘆鴈

宋 趙 忞

省宇屏圖哲匠成，寫傳蘆鴈筆尤精。  
斜依風葦叢叢裊，遠颺煙波渺渺平。  
弋者定嗟何所慕，鵬搏莫怪不能鳴。  
公看羽翼飛騰處，有意青雲萬里程。

和楊龍圖蘆鴈屏

宋 蔡 襄

何事高堂秋思生  
野蘆寒鴈畫工精  
風前挺立孤根老  
雲外相從去意輕  
不似丹青能借色  
若逢霜月定聞聲  
研桑心術都無取  
回首江鄉計未成

惠崇蘆鴈

宋  
蘇軾

惠崇煙雨蘆鴈坐  
我瀟湘洞庭欲置扁舟歸  
去故人云是丹青

濮王宗漢作蘆鴈有佳思  
贈以詩

二首

宋  
米芾

偃蹇汀眠鴈蕭梢風觸蘆京塵方滿眼速為喚花奴  
野趣分苔水風光翦雲湖塵中不作惡為有鄴公圖

戲題大年防禦蘆鴈

宋 黃庭堅

揮毫不作小池塘蘆荻江村落鴈行雖有珠簾藏翡翠  
不忘煙雨罩鴛鴦

題蘆鴈屏

宋 朱松

征鴻坐何事天遣南北飛蕭然如旅人無情自相依孤  
葦吹欲折秋風不勝威冥冥一孤騫空費弋者機寒聲

落煙渚相應不我違嗟我識此情袖手空歎歎安知丹  
青師落筆迺庶幾畫形孰不工畫意識者稀他時因吾  
句購此千金揮

觀張上達家惠崇蘆鴈圖

二首

宋

朱松

先生衰眼失孤鴻久著甕天塵霧中誰卷秋空開四壁  
丹青三昧道人崇

道人一錫攀飛鳥頗悉南來北去情畫出江南遵渚態  
尚餘風味叫羣聲



題自畫蘆鴈

宋

李膺仲

晚來無事理扁舟  
喚起騷人漫浪愁  
過眼飛鴻三兩字  
淡煙寒日荻花秋

題秋水蘆鴈

宋

賀鑄

塞南秋水陂塘蘆  
葉蕭蕭半黃直  
北飛來鴻鴈端疑箇  
是瀟湘

寒蘆飛鴈

仍和子中  
修撰舊韻

宋

郭祥正

蘆黃水落秋將暮  
鼓翼各尋雲外路  
為問歸飛歸底處

我今亦向江南去

題蘆鴈扇

宋

呂居仁

鴈下秋已晚江天風雨微寧為聚沙立不作傍雲飛

贈郭承務蘆鴈

宋

白玉蟾

畫士郭熙畫之冠郭熙去後名未斷其裔復有郭萬里  
胸中丹青飽無限為誰作此蘆鴈圖傑出南齊宇文煥  
煙水瀟瀟風捲蘆沙邊鴻鴈暮相呼瀟瀟洞庭此秋景  
世間此畫知有無幻出棲鴈三四隻八九蘆葉橫古磧

欲宿未宿嘹唳聲  
漁舟泊岸山煙黑  
秋風吹落梧葉黃  
過鴈往往歸衡陽  
橫空書字人不識  
飛過有影沉滄浪  
落霞浸水江村暮  
數隻翱翔回古渡  
引領舉喙啄荷花  
飛越戍樓西畔去  
雲寒月淡西塞秋  
幾聲淒切惹人愁  
岸頭飛共丹楓落  
打團成陣訪沙鷗  
似此景物似此意  
君今畫之不難事  
數幅驚溪冰雪縑  
須臾埽出蘆鴈市  
世間豈無學畫者  
未必有與君相似  
我欲致之篋笥間  
滿笥爽氣生秋寒  
恐君此畫無人見  
有畫鬪者誰敢戰

挂於幽軒素壁間一日須看千百遍

謝人惠蘆鴈圖

宋

僧德洪

道林煙雨久不到忽見橘洲蘆鴈行  
笑爾筆端三昧力坐中移我過瀟湘

汪履道家觀所蓄煙雨蘆鴈圖

宋

僧惠洪

西湖漠漠生煙雨浦浦圓沙鳬鴈聚  
今日高堂素壁間忽見西湖最西浦  
翩翩兩鴈方欲下數隻飄然掠波去  
獨餘一隻方穩眠有夢不成亦驚顧  
蕭梢碧蘆秋葉赤

青沙白石紛無數我本江湖不繫舟  
爾輩况亦江湖侶  
令人便欲尋睿郎呼船深入龍山塢

惠崇蘆鴈

三首

元

元好問

寒沙折葦靜相依故國春風早晚歸  
意外羈棲誰畫得  
羽毛單薄稻粱微

鴈奴辛苦候寒更夢破黃蘆雪打聲  
休道畫工心獨苦  
題詩人也白頭生

江湖牢落太愁人同是天涯萬里身  
不似畫屏金孔雀

離離花影淡生春

題趙大年蘆鴈

元戴表元

寒更索索警霜叢兄弟當年意自同  
猶是江湖太平處未妨沉著臥秋風

跋米元章蘆鴈圖

二首

元王惲

西風萬里下衡陽水宿雲飛固自雙  
似為叫羣心事苦不教相映睡秋江

煙渚潮空退暮沙依稀寒影落蒹葭  
何人解化雙飛翼

拍拍隨君問使華

惠崇蘆鴈圖

元王惲

蕭蕭風竹映寒塘  
水宿雲飛未易雙  
不似鴛鴦沙渚暖  
翠紅相倚睡春江

題稚川蘆鴈圖

元范梈

不見羅生心惘然  
畫圖河朔盡流傳  
滄洲舊隱無人識  
正似寒蘆落鴈邊

題蘆鴈

元李祁

黃蘆白葦意闌珊旅食羣棲暮雨寒自是江湖十年夢  
只今時展畫圖看

蘆鴈

明 王 澤

拍天煙水接瀟湘蘆葦秋風葉葉涼何處漁郎夜吹笛  
鴈羣驚起不成行

趙大年蘆鴈圖

明 凌雲翰

平林帶煙波渺渺風低葭莢秋聲小望中疑是彭蠡湖  
十百為羣盡陽鳥楚天未雪無雨霜南來豈必謀稻粱



哀音若訴雲路迴老翅不厭關河長汀洲水落成平陸  
散亂鳬鷺聚沙曲低飛不肯伴寒鴉猶繞荒村破茅屋  
屋中有客揮五絃從之不得心茫然何人圖畫能著此  
趙氏丹青稱大年徽廟元年頒鳳歷此圖正是當時迹  
便從宣和到靖康艮岳霜禽起秋夕古往今來幾盛衰  
摩挲老眼竟成悲良工心苦人莫識似寫周宣鴻鴈詩

題蘆鴈圖

明  
胡奎

草草書空不作行相呼相喚過衡陽蘆花月冷應無夢

啄盡寒沙一夜霜

題蘆鴈圖 二首

明 解縉

閑隨明月踏蘆花  
搖落江南未怨嗟  
萬里不辭天路遠  
帛書曾到帝王家

霜影沉沉起暮寒  
秋雲蘆葉護闌干  
形骸已在希夷外  
不怕王孫金彈丸

題王熙臨宣和雪天蘆鴈

明 金幼孜

端本堂中迹已空  
興亡總在畫圖中  
惟有幹離河上路

年年飛雪送歸鴻

李迪畫蘆鴈

明

劉績

遠別胡天趁稻粱  
秋風吹斷不成行  
夜深獨宿江南渚  
夢怯黃蘆葉上霜

閒中偶題蘆鴈

明

倪岳

鴈飛初到楚江頭  
叫破衡陽一段秋  
寂寞西風明月夜  
蘆花如雪點汀洲

題扇畫街蘆鴈

明

祝允明

歲歲隨陽計秋風三尺蘆上林光景好不見子卿書

為潘克承題林良蘆鴈

明顧清

林郎花鳥今代奇水墨到處皆天機長縑闊幅信手揮  
妙處不屬丹青圍江頭雨深菱荇肥枯槎折葦紛離披  
鴛鴦羽冷畏遠飛雄雌兩兩相猥依靈茗翠羽不自危  
鵲鴝噤語晞玄衣依棲俯仰各有姿乍見幾欲呼鷹師  
乃知此老筆不疲市朝山林時見之雞林相君知白詩  
君家此本吾無疑北風漸高禾黍稀雲飛日見江南歸

吳江洞庭三泖涯天空水遠無拘羈焉得扁舟從爾嬉

寒江蘆鴈圖

為管平田  
中丞題

明

廖道南

幽人清興天下無登臺示我寒江圖沙明野空暝煙紫  
天高月小疎星孤翔禽飛鳥自求侶宿鴈棲依戢其羽  
風葉離披雪未消雲水微茫不知處幽人昔隱平田陰  
萬峰叢翠開芝林離羣不逐隨陽鳥避世長懷履素心  
邇來供奉明光殿高才峻節超時彥鵷鷺趨陪肅羽儀  
龍鸞飛翥承清譙矯首長空羨暮鴻鹿原空阻鴈門重

何時跨鶴仙人掌萬丈丹梯躡彩虹

題黃荃蘆鴈

明僧來復

稻滿秋田水滿汀黃蘆風急度寒聲  
太平江海無繒繳不用呼奴夜打更

高郵陳直躬處士畫鴈

二首

宋蘇軾

野鴈見人時未起意先改君從何處看得此無人態無  
乃槁木形人禽兩自在北風振枯葦微雪落璀璨慘澹  
雲水昏晶熒沙礫碎弋人悵何慕一舉眇江海

衆禽事紛爭野鴈獨閑潔徐行意自得俛仰若有節我  
哀寄江湖老伴雜鷺鴨作書問陳子曉景畫茗雪依依  
聚圓沙稍稍動斜月先鳴獨鼓翅吹亂蘆花雪

乞畫鴈寄涇州母使君

宋文同

寒影亂翻秦嶺月晚行高處隴山雲回中有客能傳鴈  
異日從公乞一羣

題劉將軍鴈

宋黃庭堅

將軍一矢萬人看雪灑晴空碎羽翰乞與失羣沙宿鴈

筆間千頃暮江寒

題晁以道雪鴈圖

宋 黃庭堅

飛雪灑蘆如銀箭前鴈驚飛後回盼憑誰說與謝玄暉  
休道澄江靜如練

和蘇翰林題李甲畫鴈

二首

宋 晁補之

畫寫物外形要物形不改詩傳畫外意貴有畫中態我  
今豈見畫觀詩鴈真在尚想高郵間湖寒沙璀璨冰霜  
已凌厲藻荇良瑣碎衡陽渺何處中沚若煙海



蕭條新湖秋霜落洲渚潔蓮垂蘭杜死菖蒲見深節慘  
澹沙礫姿清波侶羣鴨往時吳興守看畫憶茗雪為儀  
尚不污孤高比雲月聞在雪堂時滿堂唯畫雪

題李甲鴈

宋

晁補之

網羅無限稻粱微憐爾冥冥亦庶幾戲鴨眠鳬滿中汀  
衡陽無意更南飛

題惠崇畫秋江鳬鴈

宋

王廷珪

老崇學畫如學禪中年悟入理或然長江未落鳬鴈下

舒卷忽若無丹鉛定自維摩三昧裏半幅生綃開萬里  
不用并州快剪刀斷取鐵圍山下水

題長沙新到鴈圖

宋陳造

渺莽雪波煙渚有底鼓翅相呼如老子載家去眼明見  
甌社湖

鴈圖

宋姜夔

萬里晴沙夕照西此心惟有斷雲知年年數盡秋風字  
想見江南搖落時

觀西巖張永淳畫鴈

金元德明

慘淡經營下筆難  
畫成不似卷中看  
知君連夜江湖夢  
折葦蕭蕭沙水寒

鴈圖

元劉因

夢迴煙水寒  
鴻鴈驚不起  
道人心又閑  
相忘有如此

題王子慶所藏大年墨鴈

元趙孟頫

鴻鴈棲棲遵渚黃  
蘆索索鳴秋羨  
殺承平公子筆  
端萬里滄洲

秋鴈圖

元

楊維禎

野水江湖遠秋風蘆葉黃南飛舊兄弟一一自成行

題王元善赴北清江新鴈圖

元

黃鎮成

江南春水拍天齊鴻鴈成行向北飛未必雲山便相隔  
秋風還帶夕陽歸

題墨鴈

元

楊維禎

黃沙衰草羽毵毵八月天山冷不堪昨夜朔風吹過影  
盡將秋色到天南

楊雲林畫鴈

元唐肅

蘋葉無踪葦葉低  
湖波撼碎白玻瓈  
鴈行不奈秋風逆  
一半參差一半齊

為王輔卿郎中題雪灘寒鴈圖

明劉基

雲茫茫水浪浪  
林木脫葉無稻粱  
烏啼鴈叫天蒼涼  
歲云莫矣江山長  
有竹有竹在高岡  
三株凍折兩復僵  
小禽悲飛不能揚  
蒼梧悠悠隔沅湘  
欲往從之川無梁  
願披寒霧見朝陽  
勿令嗷嗷傷我腸

題盛蒼崖鴈

明 貝瓊

八月鴻鴈來往彼天南  
陬前飛倦已息後至飢相求  
日落洞庭晚風高彭蠡秋  
彭蠡多蒹葭遠近彌汀洲  
恒恐羽毛損稻粱非所謀  
寒門阻冰雪異鄉安可留  
徘徊念其族天外復千儔  
身今萬里客肉非九鼎羞  
慎為弋者獲遠寄征人愁  
願以海為池上同朱鳳游  
飲啄全微軀不愧波上鷗

畫鴈

明 楊基

春渚別未久秋風來有期年年燕歸日是汝度關時王  
關萬里音書絕八月胡風三尺雪何似飛來漢水頭湘  
浦蘆花洞庭月花滿寒汀月滿塘鴛鴦鸕鷀兩相忘啼  
晴杜若叢邊雨臥冷蘼葭葉上霜

題鴈

明王紱

聯翩飛處影橫斜暝色和煙暗荻花遠水微茫秋萬頃  
不妨隨意落平沙

題畫鴈

明何澄

蘆花瑟瑟水茫茫落月沉沙夜未央離思不禁天外鴈  
孤舟燈火客三湘

題鴈

明  
陶安

遠塞來賓伴不孤半生粒食寄江湖雖然矰繳頻年少  
未可巡更少鴈奴

題鴈

明  
陳憲章

來往違寒暑飛鳴在稻梁未知溟海大不肯渡衡陽

題林良畫鴈圖

明  
丘濬



古來畫格非一科今時畫史非不多專門雖各有家數  
其如去古皆遠何仁智殿前開畫院歲貲鶯溪千匹絹  
丹青水墨各爭能誰似羊城林以善早以才譜起名姓  
登上方揮毫落紙意閑雅羣工環視如堵牆一日聲名  
遍天下世人不買邊家畫衆科獨有翎毛工郭謝戴學  
俱減價吾聞畫畫畫意難寫生自古稱黃荃黃荃已去  
數百年天復生此人於嶺海之隅黃荃寫花林寫鳥神  
氣超出形色表筆端造化俄生生心裏靈冲空了了揭

來玩此六鴈圖形容毛片箇箇殊凝神洞視竚立久縑  
素墨迹渾如無耳中彷彿聞鴈語意恐飄然忽飛去不  
知從何得此本筆意所到皆天趣九原不可作對圖情  
愴然可憐絕藝入妙品泰山一指橫其前腰金衣錦何  
等者以善端合簪貂蟬

題秋鴈圖

明  
呂 憲

黃蘆白沙千萬洲塞風卷雪無清秋江南水深足梁稻  
棲息未暇虞羅憂一雙驚飛為誰起呼曹亂叫煙波裏

就中亦復半無聲夢遠三湘憶春水

江鴈初飛圖

明  
張憲

鴈將邊信拍江飛人倚闌干立翠微山色忽隨雲影換  
秋聲暗向樹頭歸可憐上國多戎馬悵恨中原又落暉  
於悵客懷仍對畫不勝老淚濕征衣

畫鴈

明  
楊一清

江岸蘆花秋簌簌江頭旅鴈羣相逐啄者自啄宿者宿  
昨夜南樓聞北風天長水闊雲濛濛何當舟一葉櫂入

蘆花叢

題鴈

明  
陳達

風搖蘆葦碧粼粼寒影高低埽暮嵐最是月明秋夜永  
數聲先我到江南

為人題鴈

明  
陳煒

秋老澤國寒稻梁資啄食豈不懷同心天高整孤翼

畫鴈

明  
謝承舉

湖上蘆黃水拍天湖頭人去少書傳秋牕正有孤眠客

莫送哀聲到枕邊

畫鴈

明

何孟春

瀟湘西上是吾家  
衡嶽峯頭去路賒  
兩字平安託誰寄  
莫從中道落平沙

王鵞亭鴈圖

明

徐渭

本朝花鳥誰高格  
林良者仲呂紀伯  
矮人信耳輒觀場  
只曉徐熙與崔白  
崔徐一紙價百金  
風韻稍讓呂與林  
即如此圖王鵞亭  
云是剡溪雪夜人  
鴈兒一埽六十隻

何隻不落青天雲沙黃蘆白喜相逐逸者飛鳴勞者宿  
不須彭蠡泛扁舟彭蠡湖今在吾目

題鴈屏

明  
葛徵奇

水漲平疇十里賒參差野樹映蘆花年年只有南來鴈  
常帶秋聲泊淺沙

御定歷代題畫詩類卷九十五

欽定四庫全書舊要

御定歷代題畫詩類卷九十六目錄

禽類

題因師百鴈圖 宋陳造二首

百鴈圖 元戴表元

雙鴈圖 元袁桷

百鴈圖 元岑安卿

羣鴈圖 元吳師道

羣鴈圖

元傅若金

題崔白百鴈圖

元王逢

四鴈圖

元任士林

為邱彥良題牧谿和尚千鴈圖

明劉基

題五鴈圖

明鮑恂

林良雙鴈圖

明卞榮

題一鴈圖

明僧麟洲

飛鳴宿食鴈圖

元薩都拉



題蘆鴈飛鳴宿食

元陳樵四首

題飛鳴宿食蘆鴈

元戴需

題飛鳴宿食百鴈圖

元陶宗儀

題林叔壯壁上飛鳴宿食蘆鴈

明李廷美

大年宿鴈圖

元袁桷

宿鴈圖

明張泰

題宿鴈

明羅泰

鷺鷥障子

唐張喬

閔上人以鷺鷥二軸為寄因成二韻 宋林逋

題史院直舍魚鷺屏 宋張耒

題秋鷺圖 宋范成大

百鷺圖 元戴表元

題白鷺 元李祁

題九鷺圖 元吳澄

九鷺圖 元傅若金

題畫鷺鷥 元貢性之

鷺鷥手卷 元錢惟善

題尚仲良畫鷺鷥卷 明張以寧

九鷺圖 明楊基

題九鷺圖 明王佐

九鷺圖 明李璫

題九鷺圖 明蕭鎡

九鷺圖 明商輅

柳塘三鷺圖 明商輅

一鷺圖 明劉珣

題鷺 明徐溥

柳鷺 明彭華

三鷺圖 明倪岳

林良鷺鷥圖 明吳寬

題畫鷺鷥 明何孟春

題蓮塘雙鷺圖 明羅泰

九鷺圖 明李堅

九鷺圖

明廖道南

常州守趙麗卿索題鷺洲圖

明廖道南

應制題宣廟御筆汀鷺

明于慎行

題畫鷗鷺

明何孟春

欽定四庫全書

卷九十六目錄

欽定四庫全書薈要卷一萬九千二百四

集部

御定歷代題畫詩類卷九十六

禽類

題因師百鴈圖

二首

宋陳造

蓼灘蘆渚好徜徉肯便雲天去作行  
未用選奴防夜燎不妨結伴傲晨霜

聞道崔公作蘆鴈端如莊叟玩鯨魚  
騫翔唼唼妙百態君看老因盤礴餘

百鴈圖

元戴表元

近看分明遠欲無  
水天空闊好江湖  
幸然不入虞人眼  
又被閒中畫作圖

雙鴈圖

元袁桷

秋風限南北  
何事往來頻  
並宿寒蕪際  
應憐自在身

百鴈圖

元岑安卿

離離鴻鴈羣  
渺渺水雲國  
白雪剡川藤  
玄香牧溪迹  
形真具生意  
彷彿二百翼  
四海兄弟情  
於茲見叙秩  
前鳴



後如應高下低復逆隨陽足稻梁直夜防機弋水寒蘆  
葉黃霜清葦花白羣遊得所止一氣同悅懌哀哉淮南  
謠布粟歌斗尺東阿賦豆萁才高終擯斥觀圖適念此  
翻為古人戚今人猶古人毋為後人惜

羣鴈圖

元  
吳師道

飛影成行止共餐稻梁易足水雲寬誰知江海離羣客  
獨對秋風不忍看

羣鴈圖

元  
傅若金

微茫洞庭野隱約瀟湘岸鴻鴈將棲息飛鳴求其伴先  
集良未安後至淒欲斷使我懷弟兄因之中腸亂留連  
江海遠慘淡秋暉晏常恐隨天風高飛入雲漢

題崔白百鴈圖

元王逢

老愚離羣影久孤客來笑示百鴈圖揩眇試數失兩箇  
莫喻畫意翻令呼得非長門報秋使或是大窖傳書奴  
不然一舉千里高鴻俱其餘渙汨碌瑣徒且喑且息翔  
且呼營營鄭圃田之稷睢睢齊海隅之菰遑知爾更銜

爾蘆花肥卒至充人厨小而曰騏亦就筴邇聞澤梁弛  
禁官罷虞麋鹿魚鼈同少蘇羽儀好在春雲衢

四鴈圖

元  
任士林

江北江南秋正驕孤飛萬里氣方豪平生慣有冰霜翼  
却笑東風燕雀高

為丘彥良題牧谿和尚千鴈圖

明  
劉基

往時惠崇畫蘆鴈對之如在江湖遊只今此圖又精妙  
中有千里瀟湘秋乃知浮屠性多巧意匠不與凡夫儔

吳淞江長具區闊天目虎丘青一髮西風九月秔稻黃  
朔鴈飛來翼相戛農夫苦饑鴈獨飽此意畫師應識察  
近者分明辨羽毛遠者縹緲瞻秋毫或乘飄風入煙霄  
或翳落日沉隍濠起如武侯布八陣集如萬舞回旌旄  
眠沙卧草鳴且翱喋呷藻荇亂蓬蒿禾空穗盡却歸去  
紫塞漠漠春雲高我家南山限蒼嶺鴈飛不到川路永  
深林大谷蛇豕盛愁向他鄉撫虛景人言鴻鴈比弟兄  
我有兄弟隔兩城題詩卷畫謝客去無使感愴傷中情

題五鴈圖

明 鮑 恂

薛生三鳳世所希荀氏八龍殊絕奇郭家兄弟稱五鴈  
孝友尤為人共推當時八月驚飈起五鴈分飛隔空水  
十月天清五鴈歸相呼相喚蘆花裏我識郭家五弟兄  
早學詩書具令名開圖見鴈發深感萬里長江無限情  
我今試與五鴈語從茲休落瀟湘去瀟湘水深多網罟  
明年花發玉階春玉階鴛鴦多如雲願汝飛去同為羣

林良雙鴈圖

為王學士廷貴兄廷彥賦

明 卞 榮

林君善畫天下無海注墨汁傾金壺金門承詔屢揮灑  
餘子碌碌非吾徒既不畫丹鳳棲碧梧又不畫文鴛依  
綠蒲特作槐堂雙鴈圖涼風颯颯吹黃蘆一鴈俯啄秋  
江菰一鴈翹首如相呼乘軒恥隨衛懿鶴化烏嬾逐王  
喬鳬吾知林君有深意此圖將以比兄弟槐堂兄弟今  
二難同德同心本同氣芳名豈但動一時勝事終當傳  
百世丹青我已重林君手足誰能似王氏宣王有道美  
鴻鴈周公多才賦常棣顧予淺薄敢題詩三月紫荊花

底醉

題一鴈圖

明僧麟洲

萬里江湖一葉身  
來時逢雪又逢春  
天南地北年年客  
只有蘆花似故人

飛鳴宿食鴈圖

元薩都拉

年去年來年復年  
帛書曾達茂陵前  
影連薊北月橫塞  
聲斷江南霜滿天  
雨暗蘆花愁夜渚  
露香菰米下秋田  
平生千里與萬里  
塵世網羅空自懸

題蘆鴈飛鳴宿食

四首

元陳樵

肅羽遵寒渚，渡江蘆葉黃。  
誰云南去遠，不敢過衡陽。  
萬里西風急，送書時一聲。  
從教驚客夢，可待主人烹。  
沙汀棲處穩，夜漏有奴看。  
月暗蘆花白，一聲秋夢寒。  
飲啄殊自得，水田稻梁秋。  
寧因謀一飽，失却網羅憂。

題飛鳴宿食蘆鴈

元戴需

飛鳴宿食態，爭奇一片瀟湘筆。  
底移有翼不傳千里信，  
無聲難訴九秋悲。  
孤眠蘆葦喚不醒，  
遠覓稻梁常苦飢。



野壁黃昏遙望處傷弓幾度悞胡兒

題飛鳴宿食百鴈圖

元 陶宗儀

碧漢斜書草草清宵衆語離離莫向蘆花深處江南稻  
熟秋風

題林叔壯壁上飛鳴宿食蘆鴈

明 李廷美

寒塘九月風蕭索蓮花落盡蘆花白弟兄相聚最多情  
同向塘中戀秋色長空千里雲霧收安巢各有稻梁謀  
飛鳴宿食且適意切莫離羣過別洲

大年宿鴈圖

元 袁 桷

寒夜沙汀睡已成鴈奴翹首獨深驚  
朝陵閒說燕王事恨殺人間兄弟情

宿鴈圖

明 張 泰

獨卷霜毛宿晚汀旅魂應自繞秋冥  
西風莫攪蒹葭水月苦沙寒易得醒

題宿鴈

明 羅 泰

西風吹影下滄洲倦倚蘆花起暮愁  
極浦煙深迷旅宿

寒沙夜靜怯漁謳  
魂歸紫塞三更月  
夢斷衡陽萬里秋  
却被隔江人喚醒  
一聲長笛倚危樓

鷺鷥障子

唐張喬

剪得機中如雪素  
畫為江上帶絲禽  
閒來相對茅堂下  
引出煙波萬里心

閑上人以鷺鷥二軸為寄因成二韻

宋林逋

閒颺粉絲荷葦外  
數聲惟欠叫秋陰  
虛堂隱几時懸看

增得滄洲趣更深

題史院直舍魚鷺屏

宋張耒

鐘鼓聲稀下直遲  
秋暉初轉萬年枝  
寒廳盡日誰相對  
慚愧屏風畫鷺鷺

題秋鷺圖

宋范成大

昨夜新霜冷釣磯  
綠荷消瘦碧蘆肥  
一江秋色無人問  
盡屬風標雨雪衣

百鷺圖

元戴表元

葦折荷枯可奈何西風吹影淨  
婆婆微微君作此招搖趣  
一箇江天也厭多

題白鷺

元李祁

脩然雙白鳥近水立多時  
慣識幽人意相看總不疑

題九鷺圖

元吳澄

自飛自息自升沉各飽魚鰕  
各稱心世外泠泠風露潔  
還知別有九皋禽

九鷺圖

元傅若金

鮮鮮白鷺羽振振清江蒞露草寒已衰風蘆近相蔽飛  
鳴各自適離居亦有次雖愜江海情終懷雲霄志君子  
思有則畫者工取譬儀羽庶可希修潔誠所貴

題畫鷺鷥

元 貢性之

秋堤柳疎疎秋塘荷葉枯水淺微露石水清還見魚飲  
啄各自適樂哉此春鉏

鷺鷥手卷

元 錢惟善

摩詰畫成詩益妙夫差鼓破事全非雨蒲煙篠寒沙暝

無數連拳幾箇飛

題尚仲良畫鷺卷

明 張以寧

滄江雨疎疎翻飛一春鋤老樹如人立欲下意躊躇  
明年柳條長遮汝行捕魚

九鷺圖

明 楊基

秋塘白鷺棲煙淡草淒淒一隻來何晚青山日又低

題九鷺圖

明 王佐

江南五月薰風起爛熳荷花映湖水翩翩屬玉胡為來

結隊連拳豔香裏縞衣鶴鶴明秋霜高飛遠舉參翺翔  
御風旋遶頻睇盼欲下不下仍徜徉回頭仰顧雲邊影  
一聲叫斷波紋冷驚回葉底錦鱗潛喚破舟中漁夢醒  
或來並宿垂楊磯困倚斜暉兩翼低水面風煙共明沒  
湖邊景物初淒迷或來潛倚芙蓉立側身欲啄遊魚食  
粉翅斜翻白練飛荷盤露走明珠滴止茲棲啄得其時  
滿目紅芳良自怡不隨鷗鳥沙汀宿不逐鴛鴦蘆岸飛  
有時直上青雲內鸞鳳為班鵠作對有時移入紫羅衣



能與皇家著榮貴嗟哉君子有九思貌此雪禽期自規  
披圖拂拭一觀覽頓覺清風生羽儀

九鷺圖

明  
李 璫

何人水墨開毫素白日晴江起煙霧強將醉眼窺微茫  
乃見江南九秋鷺兩隻長鳴一隻飛兩隻共啄菰米肥  
其餘四隻夢洲渚黃蘆白葦相因依我家住在苕川上  
綠蓑披雨聽漁唱西塞山前今有無桃花流水應新漲  
別來幾載棲林巖身欲奮飛無羽翰卷圖高詠風漠漠

憶爾磯頭青釣竿

題九鷺圖

為內府傳制賦此數  
取九者象乾元也

明蕭 鎡

宣德年間邊景昭彩色翎毛稱獨步近時林良用水墨  
落筆往往皆天趣鴛鴦鳬鴈清溪流寒鴉古木長林幽  
等閑得意即揮灑一掃萬里江南秋此圖九鷺真奇絕  
散立清煙乍明滅日長坐久看轉親飄來點點青天雪  
翱翔霄漢殊不驚欲下未下渾有情潛蹤獨趁水邊食  
延頸忽向蘆中鳴吁嗟林生精藝有如此座客見之誰

不喜洞庭湘渚在眼前  
暝色慘澹涼飈起  
方今聖主覃恩波  
四海山澤無虞羅  
悠悠羣鷺各自適  
雖有鷹鷂奈爾何

九鷺圖

明商輅

晴煙曉散垂楊堤  
垂楊嫋嫋臨清溪  
風景依稀二三月  
蘭苔杜若連芳蹊  
溪頭紛然集羣鷺  
形影相隨復相顧  
翹沙戲渚咸自適  
界水衝風飛更舞  
飢則窺魚飽則棲  
弋羅不到無嫌猜  
參差九鷺態度別  
綠楊深處恣徘徊

孤高風格瀟灑性不逐烏鳶不逐隼平生雅趣雲水俱  
一片閒心煙雨靜毵毵毛羽勝霜雪數聲叫徹滄波月  
宛如野鶴出塵埃回視凡禽總殊絕伊誰巧奪造化工  
九鷺寫入丹青中非惟潔白堪比德所貴體物存心曾  
乘時高奮搏風翮充廷久向鷗行立遙看洲渚渺茫茫  
日近蓬萊天咫尺

柳塘三鷺圖

明商輅

素質飄飄絕點埃幽棲常傍水雲隈自從蓮羽鷗班後

時逐仙禽上苑來

一鷺圖

明 劉珏

芳草垂楊蔭碧流  
雪衣公子立芳洲  
一生清意無人識  
獨向斜陽歎白頭

題鷺

明 徐溥

杜若花香水滿洲  
柳風輕颺頂絲柔  
從來嬾逐鷗鴻侶  
萬里滄江狎野鷗

柳鷺

為尹嗣昭題

明 彭華

柳絲不動江流緩雙鷺飛來秋日晚平沙漠漠點寒煙  
亂石離離立蒼蘚靜隨玉頂聽湍瀨飢引銀鈎啄清淺  
霜衣雪襟誰匹儔逸態閒情自幽遠君不見燕銜泥朝  
來暮去傍人棲又不見鶯亂啼間關宛轉無休時豈如  
此鳥獨凝寂不與衆禽上下相追隨周公稱大聖振鷺  
載頌詩君子歛德容雅與物色宜尹侯家住大江西脩  
然自負冰霜姿潔白豈不與之齊為愛畫師林良者贈  
侯此畫真瀟灑堂上試令拂拭看彷彿清風白露寒

三鷺圖

明倪岳

新荷織風翠如剪  
屬玉孤鳴水波卷  
何時舊侶雙飛來  
並逐滄浪弄清淺  
羽雪經春猶未消  
頂絲颺日輕飄飄  
窺魚來往思無限  
高潔不受漁人招  
君不見畫圖彷彿  
差相擬千古長憐魯文子

林良鷺鷥圖

明吳寬

風吹碧蘆灣  
蘆葉何飄蕭  
幽禽止其下  
愛此波迢迢  
意態殊容與  
羽翮仍逍遙  
飲啄既得所  
有食誰能招  
附人

慙鷹隼巢林笑鷦鷯何彼白頭烏向我聲曉曉陋哉里  
巷語此意奚足描功名及成遂祿位期侈驕白日不迴  
駕冥行到中宵馮車一引首始知路非遥鄙夫復眷戀  
顧乃歎無聊誰為去此烏勿使污輕綃

題畫鷺鷥

明  
何孟春

秋水為神玉骨清此雛元不姓徐卿素衣肯受緇塵澆  
常在滄浪伴濯纓

題蓮塘雙鷺圖

明  
羅泰



倦倚春雲錦繡明應憐鳬渚曉光清縞衣雪映荷花淨  
絲頂風微柳絮輕雲水乍看疑鶴伴江湖久別負鷗盟  
會看飛上層霄去好共鷗鷺逐隊行

九鷺圖

為梁尚德題

明李堅

柳陰正長夏蓮渚搖紅翻羣鷺來箇箇褱褱集其間飛  
鳴間宿食暫爾恣所安會當乘天風直上青雲端君子  
有九思聖訓炳如丹吐此畫工意比德良可觀

九鷺圖

為火生坤題

明廖道南

人有恒言九龍躩踞奮瀛海文符乾象昭神采九鳳影  
翩起扶桑聲諧律呂翔朝陽獨不見九鷺羣聚飛且鳴  
江空野闊團沙明戢羽鳬汀照晴色揚翹鵠渚蜚秋聲  
我聞仲尼垂至訓九思克懋賢希聖正學源開自古傳  
英才茂起於茲盛佳哉意匠餘輝光鴻達高舉雲衢長  
姬龐曾獻振振頌靈沼仍歌騶騶章思之思之思過半  
九天九地人文煥乾龍利見鳳儀廷萬古圖書炳星漢

常州守趙麗卿索題鷺洲圖

明

廖道南

鷺洲渺鯨島遙在水雲鄉江闊明沙塢天空浮石梁鷓  
班曾並列鳳侶更同翔佇望三山外煙霄萬里長

應制題宣廟御筆汀鷺

明  
于慎行


筆端成大造海鳥若相忘暮雨汀莎濕春風岸芷香柳  
邊迷落絮雲裏帶飛霜總為經天藻長留羽翰光

題畫鷓鴣

明  
何孟春

一種胎生不作仙却名烏鬼趁漁船江頭斜日腥風起  
多少成羣晒翅眠

御定歷代題畫詩類卷九十六



總校官庶吉士臣侍朝

校對官庶吉士臣徐立綱

謄錄監生臣任穎

謄錄監生臣范櫪

欽定四庫全書薈要

集部

御定歷代題畫詩類卷九十八

七

詳校官原任事  
臣李斯咏



欽定四庫全書薈要

御定歷代題畫詩類卷九十七目錄

禽類

次韻李端叔謝送牛戩鴛鴦竹石圖 宋蘇軾

鴛鴦扇頭 元元好問

雙鴛圖 元虞集

題宋徽宗雙鴛圖 明汪廣洋

為人題鴛鴦 明陳焯

題馬賁畫鷓鴣圖 金党懷英

樂士宣鷓鴣圖 元王惲

徽宗鷓鴣 元袁桷

秋水鷓鴣圖 明朱諫

題劉將軍鷓 宋黃庭堅

僧惠崇柳岍遊鷓圖 元劉因

題趙仲遠所藏趙大年鷓鴣圖 元程鉅夫

滕昌祐懷香睡鷓圖 元虞集



趙大年鷺圖 元楊維禎

秋塘戲鷺圖 元成廷珪

題宋王晉卿畫鷺 明程敏政

畫鷺 明李日華

睡鳧圖 元程鉅夫

題野鳧卷 元于立

趙子昂陳仲美合作水鳧小景 元仇遠

為人題鳧 明陳焯

題秋塘野鷺圖

明徐溥

畫小鴨

宋黃庭堅

題畫睡鴨

宋黃庭堅

畫鴨

宋晁補之

盧申之正字得春郊牧養圖二本

宋戴復古

潁皋楚山堂秋景兩圖絕妙

宋僧德洪

劉鄧州家聚鴨圖

元元好問

題畫柳塘野鴨

元虞集

畫鴨 元揭傒斯

題畫秋溪雙鴨 明張鳳翼

題鵲鵲圖 宋韓駒

題秋塘鵲鵲 明林環

日馴弟鵲鵲扇頭 明莫止

鵲鵲圖 明陳絅

題翠禽畫 元龔璘

畫翠 明周用

魚虎子圖 明僧元璞

燕子圖 金趙秉文三首

燕子圖 金楊之美

燕子圖 金張巨濟

燕子圖 金王大用

燕子圖 金李欽叔

題蒲塘雙燕圖 元成廷珪

燕圖 明高啟

題長牧溪五燕圖

明宋濂

柳塘春燕圖

明楊基

題宋徽宗雙燕

明周矩

畫燕

明何孟春

題畫燕

明王世貞

白燕詩題畫

明王世懋

畫黃鶯

明謝鐸

畫鶯

明何孟春

題王若水戴勝  
元陶宗儀二首

題畫戴勝  
元華幼武

題畫白頭雙鳥  
元貢性之

雪竹白頭翁橫披  
元宋槩二首

題畫白頭公  
明張以寧

白頭翁圖  
明解縉

白頭翁畫  
明李東陽

竹上白頭  
明謝承舉

白頭公圖

明沈周

題文太史歲寒雙白頭

明張鳳翼

談思重為吳翁晉畫枯木白頭翁

明王世貞

題十二紅卷子

元楊載

十二紅圖

明楊基

為林學士題十二紅圖

明丘濬

題白畫眉圖

元陳旅

竹枝畫眉圖

明葉盛

題南宮子蠟嘴圖 元薩都拉

題白鵬圖 明金幼孜

題畫白鵬 明何孟春

題相思鳥圖 明謝承舉

題廖克讓所藏喜酸圖啄木畫 元程鉅夫二首

題畫啄木 明何孟春

畫啄木 明王世貞

題畫百舌 明王世貞



題畫子規

明王世貞

畫杜鵑

明何孟春

欽定四庫全書

卷九十七目錄

欽定四庫全書薈要卷一萬九千二百五

集部

御定歷代題畫詩類卷九十七

禽類

次韻李端叔謝送牛戩鴛鴦竹石圖

宋  
蘇軾

聞君談西戎廢食忘早晚王師本不陳賊壘何足剗守  
邊在得士此語要而簡知君論將口似我識畫眼笑指  
塵壁間此是老牛戩平生師衛玠非意常理遣訴君定

何人未用朝市顯置之勿復道世俗固多舛歸去亦何  
須單車度滄澠如蟲得羽化已脫安用繭家書空萬軸  
涼暴困舒卷念當埽長物閉息默自煖此畫聊付君幽  
處得小展新詩勿縱筆羣吠驚邑犬時來未可知妙斲  
待輪扁

鴛鴦扇頭

元  
元好問

雙宿雙飛不自由人間無物比風流若教解語終須問  
有底愁來也白頭

雙鴛圖

元虞集

戢翼石梁陰秋風日夜深使君莫行野江水蕩人心

題宋徽宗雙鴛圖

明汪廣洋

蘆葉青青水滿塘文鴛晴卧落花香不因羌管驚飛去  
三十六宮春夢長

為人題鴛鴦

明陳焯

江皋草已長微颺吹綠漪物情本自適偏入少陵詩

題馬賁畫鸚鵡圖

金党懷英

雙眠雙浴水平溪共看秋光卧兩堤誰信瀟湘有孤鴈  
冷沙寒葦不成棲

樂士宣鵲鵲圖

宣和  
畫工

元  
王惲

彩羽暈明照影閑蓼汀沙暖睡初殘擊揚寄謝霜空鵲  
輸與江湖百頃寬

徽宗鵲鵲

元  
袁桷

太液池清皺碧羅兩禽相對盪春波當年肯憶閭中令  
舐筆和鉛恨未磨

秋水瀾瀾圖

明  
朱 諫

古石斑斑簇紋蘚樹葉蒼蒼著秋淺瀾瀾沉浮水氣涼  
桂花散落天香遠年華易謝秋易殘傷心不獨凋朱顏  
宋玉如今已塵土空有辭賦留人間秋鳥向人鳴秋花  
促人老商聲下林端金風剪芳草杜陵詩興知若何愁  
緒如絲亂懷抱

題劉將軍鵞

宋  
黃庭堅

箭羽不需春水籀文時印平沙想見山陰書罷舉羣驅

向王家

僧惠崇柳岸游鶩圖

元劉因

河堤煙草柳陰勻  
野鴈羣游意自馴  
此是吾鄉舊風景  
畫中相見亦情親

題趙仲遠所藏趙大年鶩鴨圖

元程鉅夫

鶩鴨池邊畫作闌  
輸他鳬鴈意幽閒  
王孫下筆厭羈束  
移在長汀短渚間

滕昌祐懷香睡鶩圖

元虞集



蒼鶯惜毛羽宛宛卧春雨雨餘日照沙上有懷香花懷  
香不自獻夢到金鑾殿殿池多躍魚君王方草書

趙大年鶯圖

元 楊維禎

鏡湖湖上春波明灣碕樹樹鶯黃青上有金衣弄簧舌  
下有紅掌浮繡翎春鋤一白能自好尚嫌性帶鷓鴣腥  
眼明見此羣鷓鴣不與匹鳥爭春晴大年筆法如蘭亭  
宛頸箇箇由天成艮宮流落二百載胡賈不厭千金爭  
却恨會稽內史無此筆為人辛苦書黃庭

秋塘戲鷺圖

元 成廷珪

滿塘秋水看蒼鷺  
草軟沙平奈爾何  
記得一羣黃似酒  
杏花梁上落紅多

題宋王晉卿畫鷺

明 程敏政

獵獵風吹蘆葉黃  
白鷺如雪點江鄉  
鉤簾素壁看摹本  
想見當時寶繪堂

畫鷺

明 李日華

壘釀村邊水草涯  
撥波紅掌照晴霞  
書經換得非無意

迴頸應知妙畫沙

睡覺圖

元程鉅夫

紅蓼不禁霜  
雙鳬夢正長  
世人那得似  
江海永相忘

題野鳬卷

元于立

池上軒牕並水開  
鑑湖狂客酒船回  
鵲鵲鷺鷥知人意  
也為春暉日日來

趙子昂陳仲美合作水鳬小景

元仇遠

良工苦思可心降  
底事文禽不解雙  
欲采芳華波浪闊

芙蓉朶朶隔秋江

為人題鳧

明陳煒

古楊葉如繪下拂清波淺珍禽炫羽毛采采春風染

題秋塘野鷺圖

明徐溥

晉人愛書學野鷺庾家諸郎真不俗迢迢清晝圖畫開  
此鳥依然在人目良工手握五色毫寫出江南秋一幅  
羽毛絢目殊分明蜀錦新裁仍細簇荷花似避顏色鮮  
搖落紅衣動盈掬將身不入樊籠中長年占斷澄江曲

畫小鴨

宋  
黃庭堅

小鴨看從筆下生  
幻法生機全得妙  
自知力小畏滄波  
睡起晴沙依晚照

題畫睡鴨

宋  
黃庭堅

山雞照影空自愛  
孤鸞舞鏡不作雙  
天下真成長會合  
兩鳬相倚睡秋江

畫鴨

宋  
晁補之

急風吹雪滿汀洲  
迎臘淮南憶倦游  
小鴨枯荷野艇冷

去年今日凍高郵

盧申之正字得春郊牧養圖二本

有樓攻媿先生題詩且徵予作

宋戴復古

竹弓鳴鴈鴨驚飛來別浦無人境  
春風不搖楊柳影長  
頸紛紛占作家半遊波面半眠沙  
或行或立或如舞或  
隻或雙或羣聚飲啄浮沉多態度  
物情閑暇世忘機分  
明一片太古時巧偽不作民熙熙

穎皋楚山堂秋景兩圖絕妙

宋僧德洪

溪邊兩鴨自夫婦生而能言似相語婦先浮波喜轉顧  
夫欲隨之竟先去水際青蘋各占叢風撼荷花已褪紅  
不見清香雲錦段空餘霜葉伴枯蓬

劉鄧州家聚鴨圖

元  
元好問

沙浦空明洲景微枯荷折葦澹相依若為化作江鷗去  
拍拍隨君帖水飛

題畫柳塘野鴨

元  
虞集

江南水退秋光淺風柳參差萬絲捲鴛鴦在梁鳬在渚

蕩蕩扁舟去家遠千艘轉海古長策白粲連江動秋色  
斷蒲折葦野水闊爛爛明星且將弋翠盤擎露夜深寒  
玉色亭亭落月殘太液池頭黃鵠下夢中曾見畫中看

畫鴨

元 揭傒斯

春草細還生春雛養漸成茸茸毛色起應解自呼名

題畫秋溪雙鴨

明 張鳳翼

秋水芙蓉老秋林霜葉紅雙鳬溪上宿無意慕春風

題鵲鵲圖

宋 韓駒



有弟留南楚經年不寄書天涯數行淚獨對鵲鵲圖

題秋塘鵲鵲

明林環

落日秋水寒霜空荷葉乾飛鳴不相離雙棲綠池間  
照影弄顏色有如競華鮮在原懷遠意因之發長歎

日馴弟鵲鵲扇頭

明莫止

幽禽相逐上枯荷原上秋光大半過對畫定因難棄此  
白頭兄弟已無多

鵲鵲圖

明陳綱

露冷蓮塘水葉枯  
秋風枝上鵲鴿孤  
急難弟兄多分散  
水落沙寒日又晡

題翠禽畫

元龔璠

一曲寒塘漾夕暉  
珍禽照影惜毛衣  
非魚也自知魚樂  
不肯花前掠水飛

畫翠

明周用

纖鱗不盈寸一飽尚有餘  
寧知舉漏網失却吞舟魚

魚虎子圖

明僧元璞

翠羽畫殊絕，窺魚秋水深。  
忽來知險意，靜立見機心。  
沙白霜初落，溪寒日易陰。  
何當隨啄木，除蝨向高林。

燕子圖

三首

金趙秉文

一別天涯十見春，重來白髮一番新。  
心知話盡春愁處，相對依依如故人。

祝爾區區萬里身，錦書回寄莫辭頻。  
而今塞北看雙翼，多少中原失意人。

交情消息兩何如，滿眼兵戈不勝書。  
為問南來新燕子，

銜泥曾復到吾廬

燕子圖

金楊之美

危巢客舍久相依常記西風社日歸海國傳心千驛隔  
塞垣回首十年非新詩尚在人空老舊夢無憑鳥自飛  
寄語齊諧休志怪沙鷗相款解忘機

燕子圖

金張巨濟

沙塞相逢命已輕翠堂重見眼增明小詩繫足初無意  
巧語迎人獨有情陰德自招黃雀報機心能致白鷗盟

社前秋後風光好須賀他年大廈成

燕子圖

金王大用

相別相尋積歲年人心不及鳥心堅  
填償恩義三生債分付平安七字篇  
王謝烏兜疑誕妄紹蘭紅線定虛傳  
何如此段人親見舊話從今不值錢

燕子圖

金李欽叔

塞上光風已十霜仁心覆護獨難忘  
當時相送詩仍在  
此日重來話更長客舍花開新信息  
雲兜香冷舊昏黃

主人得報君知否千古珠璣在錦囊

題蒲塘雙燕圖

為劉小齋作

元成廷珪

昭陽池館晚風微花落巢空去未歸却是蒲塘春水闊  
年年還傍小齋飛

燕圖

明高啟

柳上銜蟲立春風似有情和枝欲裊裊方覺爾身輕

題長牧溪五燕圖

明宋濂

誰描乳燕落晴空筆底能迴造化功髣髴謝家池上見

柳絲煙煖水溶溶

柳塘春燕圖

明楊基

花落燕飛高春風在柳梢玉樓皆繡幙高處莫安巢

題宋徽宗雙燕

明周矩

江南簾幕重重雨艮岳湖山處處花兩地舊巢傾覆盡  
西風萬里入誰家

畫燕

明何孟春

社雨和泥貼畫梁泥乾猶帶百花香今年巢比常年闊

合向誰家產鳳凰

題畫燕

明  
王世貞

曾逐東風入紫微  
晚拋江海滯烏衣  
空誇萬里封侯領  
還傍人家門戶飛

白燕詩題畫

明  
王世懋

翩翩白燕送殊祥  
曾自君家入尚方  
蝶粉逢時瑤作圃  
芹香棲處玉為堂  
銜將落蕊明珠碎  
舞向飛花縞帶長  
王謝門風誰畫得  
可知觸目是琳琅



畫黃鶯

明謝鐸

柳花如雪滿春城始聽東風第一聲  
夢裏江南舊時路隔溪煙雨未分明

畫鶯

明何孟春

誰將鼓吹借行春老去詩腸不恨貧  
一曲試從花外聽又知幽谷有佳人

題王若水戴勝二首

元陶宗儀

桑樹柔條葉已空晚來獨立語東風  
織絳自是閨房事

喜得頻催早獻功

片片疎翎列頂旗  
娟娟文羽攬春輝  
邊庭大將能如汝  
獻捷封侯戴勝歸

題畫戴勝

元 華幼武

山鳥隔花鳴桑麻日長成  
如何荊棘上寂寞不聞聲

題畫白頭雙鳥

元 貢性之

笑殺錦鴛鴦浮沉浴大江  
不如枝上鳥頭白也成雙

雪竹白頭翁橫披

二首

元 宋 聚

琅玕裊裊碧雲空  
雪綴斜梢倚北風  
丹鳳不來年歲晚  
一枝聊借白頭翁

蒼衣雪頸凍難飛  
寂寞寒梢獨自棲  
別有春明好風景  
綠楊如畫亂鶯啼

題畫白頭公

明  
張以寧

日暖花開海上洲  
飛來青鳥話閑愁  
三生莫為多情歎  
惹得春風白了頭

白頭翁圖

明  
解縉

倦飛甘白首竹實正穰穰不敢先嘗食睥睨待鳳凰

白頭翁畫

明 李東陽

莫道春風好春風易白頭君看花裏鳥亦有世間愁

竹上白頭畫

明 謝承舉

碧霄雲路幾升沉楚楚毛衣太古音自笑白頭無伎倆  
堅持一節老山林

白頭公圖

明 沈周

十日紅簾不上鉤雨聲滴碎管絃樓梨花將老春將去

愁白雙禽一夜頭

題文太史歲寒雙白頭

明張鳳翼

蕉萋古幹宿雙禽  
冰雪偏堅歲暮心  
借使臨邛逢卓氏  
不須遺恨白頭吟

談思重為吳翁晉畫枯木白頭翁因題一絕

明王世貞

可憐白頭翁振羽一枯木  
莫訴春風饑蚤晚櫻桃熟

題十二紅卷子

元楊載

碧桃枝上有珍禽調舌交交聽好音畫出江南春意思  
明年攜酒共追尋

十二紅圖

明  
楊基

何處飛來十二紅萬年枝上立東風楚王宮殿皆零落  
說盡春愁暮雨中

為林學士題十二紅圖

明  
丘濬

丹杏香邊翠竹中幽禽兩兩立東風不知毛羽紅多少  
却得人呼十二紅

題白畫眉圖

元 陳旅

隋家宮妓婦長蛾銷盡波斯百斛螺化作雪禽春樹頂  
遠山無數奈愁何

竹枝畫眉圖

為僧題

明 葉盛

禪房瀟灑一塵無粉墨何人著此圖我與頻伽是知己  
春禽那用竹間呼

題南宮子蠟嘴圖

元 薩都拉

南宮山人何俊奇小牕睡起涼雲飛野棠秋早霜子熟

枯木葉高蠟嘴肥滿身綵綵甘爾口政猶癡心落人手  
五陵年少知爾名一飽無人早迴首

題白鷗圖

明金幼孜

素質玄文錦翼齊絳桃花下見雙棲可堪野鶴同標格  
難與山雞共品題

題畫白鷗

明何孟春

雙壁誰將置兩雛羽毛渾是雪花鋪儂家命服裁宮錦  
十五年前作大夫



題相思鳥圖

明  
謝承舉

俱飛並逐綺園春  
互語相思字字真  
啼到苦心聲莫放  
綠牕驚起病春人

題廖克讓所藏喜酸圖啄木畫卷

二首

元  
程鉅夫

蜚天從蚋集  
駢首欲何為  
儻使真知味  
應無浪皺眉  
山禽啄木響  
野客抱琴看  
我有芳春調  
無人為一彈

題畫啄木

明  
何孟春

求蠹林間日幾回  
喙長三尺怒如雷  
漢家有蠹君知否  
司隸當年破柱來

畫啄木

明

王世貞

空林長日自敲訇  
一掃千章蠹盡清  
聞道柏臺烏更好  
不知何事但吞聲

題畫百舌

明

王世貞

千迴睨睨復嚶嚶  
不向東風自一鳴  
何似儂家卑脚鳥  
此生長技只呼名

題畫子規

明 王世貞

絡緯喚織朝從暮布穀催耕雨復晴  
汝道不如歸去好可將耕織了平生

畫杜鵑

明 何孟春

春來口血有新盟歸去無如是力耕不識今誰勸  
農使幾人阡陌解循行

御定歷代題畫詩類卷九十七